



UNIVERSITÄTS-
BIBLIOTHEK
PADERBORN

**BREVIS|| INSTRVCTIO|| AD CORROBORAN-||DOS AC
IVVANDOS MO-||RITVROS, EOS PRAESERTIM|| qui ob
flagitia sua, publica Iudi-||cum sententia morti ad-||dicti
sunt:||**

Isella, Francesco

Coloniae Agrippinae, 1588

VD16 I 344

Quid Potissimvm Sodales, seu Fratres vitare debeant. Capvt I.

[urn:nbn:de:hbz:466:1-60044](https://nbn-resolving.org/urn:nbn:de:hbz:466:1-60044)

IVVANDOS MORIENTES. 5

QV ID POTISSIMUM SODA-
les, seu Fratres vitare debeant.

CAPVT I.

EXhortatur idem Propheta Regi- Psal. 33.
us, fugiendum esse malum, & fa-
ciendum bonū: quod cū omnibus
faciēdum sit, tum maximè Fratribus
Societatis, quorum est vitā viuere
cæteris paululum perfectiorem: ideo-
que oportet eos in hoc incumbere, vt
(quantum fieri potest) mortale pecca-
tum vitent, atque ab eo fugiant (iuxta
Sapientem) tanquam à facie colubri: Eccli. 22.
imò multò amplius; coluber enim nō
nisi corpus potest interimere; pecca-
tum verò læthale animam interimit,
spolians illam diuina gratia, & hære-
ditate priuans cœlesti.

Debent etiam sibi cauere à pecca- Peccata ven-
tis venialibus, quę etsi mortem animę nialia vitan-
non inferant, tamen ad illam dispo- da.
nunt. Debent non tantū fugere ma-
lum; sed omnis mali speciem & occa-
sionem: ideoque abstinere debent ab
omnibus ludis illicitis, maximè ab a- Ludos vit-
leis & similibus, in quibus multum tē tandos.
poris consumitur, & notabilis aliqua
fieri potest rerum amissio. Huiusmo-

A s dilu-

6 INSTRUCTIO AD

Consortia
malorum fu-
gienda.

1. Cor. 15.

Prou. 18.

Rom 1-

Matth. 16.

Matth. 26.

In vestibus
luxus non
querendus.

di ludos non tantum ipsi non exerceant, sed ne quidem intersint. Fugiant quoque societates & commercia malorum, maximè vbi vana miscentur colloquia, vbi murmuratur, vbi malum de proximo dicitur: memores istius Pauli; *Corrumpunt bonos mores colloquia praua: & illius Sapientis, in multiloquio non deerit peccatum: quia qui talia agunt (Apostolo teste) digni sunt morte, non solum qui ea faciunt, sed etiam qui consentiunt facientibus.* Meminerint quoque Petrum Apostolum, quamdiu mansit in Apostolorum consortio, Christum Dei filium confessum esse; in societate verò malorum eundem ter negasse. Et si de omni verbo otioso in extremo illo iudicio strictissima reddenda erit ratio, quid fiet de verbis lasciuis, & criminosis, aliorumque famæ detrahentibus?

In vestibus quoque luxum, pompam & vanitatem fugiant. In contractibus, mercaturis, aliisque negotiis sint fideles & iusti. Quid multis? in omni actione sua studeant, ne proximo dent scandalum, vt per integritatem vitæ ab omnibus honorentur, atque reuereantur: vt postea verba quoque
eorum

IVVANDOS MORIENTES. 7
eorum in exhortando sint apud alios
efficaciora.

DE SACRAMENTORVM

frequentia.

CAPVT II.

SI quis Fratrum in mortale peccatū
lapsus sit, alacris sit & promptus,
vt se mox per Confessionem purget:
quòd si omnino cauere non poterit,
quo minus nonnunquam in peccatū
ruat, Apostoli saltē consilium se-
quatur, qui monet, operam dandam
esse, ne peccatum regnet in nobis:
quod sanè tum in nobis regnare dici-
tur, cū tardi sumus & negligentes,
ad illud per pœnitentiam obliteran-
dum. Eluere namque, & expurgare
peccatum confestim debet quilibet;
nisi enim id ab anima tollatur, mox
suo pondere, inquit Gregorius, secum
trahit aliud. Sed & Augustinus mira-
tur, hominem non ausum dormire
inter inimicos, qui corpus tantū pos-
sunt occidere: securè autem stertere
inter peccata mortalia, quæ possunt
animam in mortem æternam præci-
pitare. Nemo autem existimet sat tem-
poris sibi ad confitendum superesse:
A 6 etenim,

Post peccatū
mox confite-
endum,

Roman. 6.

Gregorius.

Augustinus.